

Palopalema hono ma'ú: Vai paracetamol 120mg 'i he 5mL


Mei he 'aho 1 'o Sepitema 2022 ki he konga kimu'a 'o e 2023, 'e fetongi 'a e Paracare 'e he kalasi fo'ou ko e Avallon paracetamol.

(Pu'aki 'pa-ra-SII-ta-mol')

Ko e vai paracetamol 'oku ngāue lahi 'aki ki he mofi' mo e fakafiemālie 'a e felangāki', tautefito ki he fānau iiki'. Kuo ta'ofi fakataimi 'a hono ma'ú atu 'a e vai Paracare paracetamol liquid 120mg 'i he 5mL.

'Oku anga fēfē 'a e kehe 'a e Avallon paracetamol?

'Oku kehekehe 'a e lanu mo e ifo 'o e Avallon paracetamol 120mg 'i he 5ml mei he Paracare. 'Oku 'ikai fu'u hinehina 'a e lanu 'o e Avallon pea 'oku ifo hangē ha situloapeuli/vanila. Kaneongo ia, oku lahi tatau pe 'a e ngaahi me'a 'oku ngaohi'aki oku ngāue' (active ingredient) pea mo ngāue 'i he founga tatau.



Fakatokanga'i ange

Ko e ngaahi me'a 'oku ngaohi'aki 'oku 'ikai ngāue' (inactive ingredients) hangē ko e ngaahi fakaifoifo', fakalanu' mo e suka', 'e lava ke kehe ia. Kapau 'oku 'i ai ha'o ngaahi fehu'i fekau'aki mo e ngaahi me'a' ni, talanoa ki ho'o toketā fakafāmilí, neesí pe tokotaha talavai'.



'Oku malava ke tatau pe 'a e ngaahi lanu' mo e ifo' 'o e ngaahi vai faito'o kehekehe. Lau ma 'u pē 'a e leipolo' pea 'oange ki ho'o tama' 'a e fua totonu'.
'Oua 'e fakafalala 'i he lanu', nanamu' pe ifo'.

Ko e hā 'a e lahi 'o e paracetamol 'oku totonu ke u 'oange ki he'eku tama'?

- Ko e lahi 'o e paracetamol 'oku fakatefito ia 'i he mamafa 'o ho'ou tama'.
- Fua 'a e mamafa ho'ou tama' PEA vakai'i 'a e mālohi 'o e paracetamol 'oku ke ma'u'.
- Ngāue'aki 'a e fua 'oku hā 'i he tēpile 'i lalo' ke 'ilo'i 'a e fua totonu'.

Kimu'a pea 'oange ki ho'ou tama' 'a e paracetamol:

- Vakai'i pe 'oku kei fiema'u 'e ho'ou tama'.
- Tatali 'o 'oua 'e toe si'isi'iange 'i he houa 'e 4, kae toki fakahoko 'a e faito'o hoko' (doses).
- 'OUA 'e 'oange 'o laka hake he tu'o 4 'i he houa 'e 24.
- Vakai'i 'a e 'aho 'oku 'osi ai 'a hono ngāue'aki'.



'Oku mahu'inga ke 'oua na'a ngāue'aki 'e ho'ou tama' 'o lahi hake 'i he fua 'oku fokotu'u atu ke ngāue'aki faka'aho'.
Kapau 'e fu'u lahi 'a e me'a 'e ngāue'aki 'e ho'ou tama' - 'i he taimi pe 'e taha pē 'i ha ngaahi 'aho - 'e maumau'i 'e he paracetamol 'a hono 'ate'.

Ko e tēpile ki he fua 'o e paracetamol

Mamafa 'o e tamasi'i'	120mg 'i he 5mL
Si'isi'i ange 'i he 5 kg	'Eke ki ho'ou toketā' pe tokotaha talavai'
5 kg	3 mL
6 ki he 7 kg	3.5 mL
8 ki he 9 kg	5 mL
10 ki he 12 kg	6 mL
13 ki he 14 kg	8 mL
15 ki he 16 kg	9.5 mL
17 ki he 18 kg	10.5 mL
19 ki he 20 kg	12 mL
21 ki he 22 kg	13 mL
23 ki he 25 kg	14.5 mL
26 ki he 28 kg	16.5 mL
29 ki he 32 kg	18 mL
33 ki he 36 kg	20.5 mL
37 ki he 41 kg	23 mL
42 ki he 60 kg	26 mL
Lahi ange 'i he 60 kg	30 ki he 40 mL



Ki ha toe fakamatala fekau'aki mo e vai paracetamol vakai ki he pharmac.govt.nz/paracetamol-liquid